

Tocante su expresion relaciona cu veredicto di Huez:

Parlamentario Hulandes a haya ta bon pa bin cuestiona Minister di Husticia di Aruba

ORANJESTAD (AAN) — Den entrevista cu DIARIO, Minister di Husticia señor Rudy Croes a duna su version tocante un incidente cu el a confronta cu un miembro di Parlamento Hulandes, kende actualmente ta na Aruba pa atende e Reunion Tripartite, y cu a reclama e dignatario riba su expresion “cu tabata un dia scur pa nos pais”, haci dia cu e sentencia di Huez a cay, cu Censo na Aruba mester registra casamento entre parehanan di mesun sexo.

E mandatario a duna di conoce cu e Parlamento en cuestion ta esun cu a bin cu un proyecto di ley den Tweede Kamer, pa wak con pa legaliza matrimonionan di mesun sexo.

“E tabata busca mi tur caminda, y ora el a topa mi el a puntra mi pakico mi a bisa cu ta un dia scur pa Aruba. Mi di cu si, mi ta considere un dia scur pa Aruba pasobra nos cultura y costumernan ta otro cu esnan di Hulanda, y pa di dos mi a bise cu e por ta di Tweede of Eerste Kamer, pero mi no tin responsabilidad ni cuenta di duna na dje, pero mi ta duna cuenta na mi Parlamento. Pueblo a scoge Parlamento y Parlamento a scoge nos como Minister”, e dignatario a subraya.

El a agrega cu el a splica e Parlamentario Hulandes cu gobierno ta bay den Corte di



Apelacion y fuera di esey Parlamento di Aruba no a bisa nada ainda riba e asunto aki, y esey e mandatario ta wardando pa sosode.

“E di cu mi cu mi ta discrimina, y mi a bise cu mi

ta un Social Democrata di semper, y mi no por discrimina, y cu mi ta respeta con un hende ta biba, pero nos leynan vigente akinan ta bisa cu nos no por registra matrimonio di mesun sexo”.

E dignatario a agrega: “Mi a bise, scucha, si mañan ta lanta un otro loco na Tweede Kamer of Eerste Kamer bin cu algo straño na mundo atrobe, anto boso kier bin impone na Aruba? No nos no ta asina, nos norma, balor y costumernan ta totalmente diferente na esun Europeo, nos tin cu biba e realidad cu nos ta den Continente Mericano of Latinoamericano y cu nan ta Continente Europeo y kizas

pa nan ora nan perde moralidad y balornan, esey ta progreso. Pero ami si ta bisa cu por tin progreso sin perde e normanan y balornan y menos nos costumber y cultura. Enberdad e no a gusta pero mi a bise cu asina mi ta pensa, y mi a ripiti cu mi no tin di duna cuenta na Tweede ni Eerste Kamer pero mi ta duna cuenta, como minister, na Parlamento di Aruba”, e dignatario a conclui.

Democracia Real a pospone e reunion

ORANJESTAD(AAN) — E reunion di contacto di Partido Democracia Real, cu tabata planea pa dia 10 di januari 2005, a wordo posponi te cu previo aviso pa motibonan fuera di alcance. Fecha nobo, ora y lugar lo wordo anuncia despues.

Democracia Real ta gradici e gran cantidad di hende cu di antemano a pidi pa y muestra interes pa cu e reunion aki, y ta pidi nan pa keda pendiente ya cu e lo bay tuma lugar muy pronto, segun informacionnan ricibi di president di partido, Mr. Andin Bikker.

ENTRE CIELO Y ARUBA TUR COS TA POSIBEL!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Welcome Woman
SPECIAL
PRIJS